



大清穆宗繼天開運受中居正保大定功聖智誠孝信敏恭寬
毅皇帝實錄卷之二十二

同治元年壬戌三月癸巳

孝賢純皇后忌辰遣官祭

裕陵○祭

先蠶之神遣內務府大臣恩醇行禮○以神靈顯應頒湖北
省城

江神廟扁額曰靈昭南紀○諭內閣前因已革管旗章京烏
爾圖那素圖上年曾在熱河都統衙門控告已革台吉嘎爾
瑪斯第多款該革員現在京城貝子索特那木色登家內當

降旨令理藩院步軍統領衙門派員迅即拏獲。由順天府解赴熱河。歸案審辦。茲據愛仁等奏稱。派委司員赴該貝子家內查拏。乃索特那木色登始則聲稱烏爾圖那素圖往海淀贖取當物。繼則又以甫經前往熱河為詞。種種枝梧。顯係有代為捏詞隱諱情事。索特那木色登著先行交理藩院議處。仍責令將烏爾圖那素圖迅速交出。儻遲延不交。即著理藩院嚴行參奏。尋熱河都統春佑奏。烏爾圖那素圖於本月十四日在熱河拏獲。報聞。○又諭。戶部奏請飭催各省上年欠解及本年應解京餉一摺。各直省上年欠解京餉銀兩。前經戶部奏明。勒限於開印前埽數報解。茲據奏稱。除已解到及

據報起程外。其未經報解者。尚有一百四十五萬之多。實屬玩泄已極。其奏撥本年京餉銀兩。據稱亦絲毫未經解到。即著各該直省督撫督飭該藩司運司監督等。將上年京餉案內未解銀兩。迅速如數報解。毋許再涉遲緩。其應解本年京餉。以及上年本年應行帶解各款。並十年分陳欠銀兩。並著速行設法。源源起解。儻敢任意延玩。即著該部嚴參懲處。○諭議政王軍機大臣等。明緒博勒果素奏。請飭陝甘撥借銀兩等語。據稱甘肅應撥塔爾巴哈台經費銀兩。連年積欠。為數甚鉅。本年春夏二季鹽菜。無項支發。請飭陝甘總督將積欠經費銀十二萬九千二百餘兩內。借撥一二萬兩等情。塔

爾巴哈台地處極邊。官兵月餉。近來減折支發。已形苦累。儻數月內再無餉到。深虞人心渙散。現在正與俄國查辦分界事宜。稽查巡守。及隨往查界官兵。均難令其枵腹從公。著沈兆霖於該省司庫內。無論何款。先行借撥銀一二萬兩。速行解往。以濟急需。將此諭令知之。○以疏防顏料庫失火。管理戶部三庫事大學士賈楨。前任尚書瑞常。愛仁。前任侍郎寶馨。署侍郎鄭敦謹。均降一級留任。司員等分別降級罰俸。○

甲午。欽奉

母后皇太后

聖母皇太后懿旨。本日召見惇親王。詢以恭理喪儀各事宜。據

稱現在每日前詣觀德殿執事人員。除直班之大臣一員外。其餘恭理喪儀王大臣。並未逐日前詣。殊屬不成事體。

文宗顯皇帝梓宮。奉移觀德殿。該王大臣恭理喪儀。理應敬恪將事。常川前往。乃竟任意玩忽。何以仰慰

先帝在天之靈。嗣後該王大臣務當逐日前詣。不得仍前怠忽。以昭敬慎。其執事人員。如有任意不到者。卽著嚴行查叅。因思觀德殿為

梓宮奉移之所。該王大臣尚意憚煩勞。其所管部院各衙門。更何可問。當此時事多艱。王大臣等均受

先帝厚恩。自當夙夜在公。以期庶政修明。若偃息養安。任其叢

寶錄卷二十三
三
朕奉
皇太后前行禮。其內廷王公大臣。在養心殿階下行禮各等語。
三月二十三日。擬請援照成案。是日朕龍袍袞服。詣兩宮
皇太后前行禮。是日朕詣兩宮
聖母皇太后懿旨。是日朕詣兩宮
皇太后前行禮服色。著改為尋常袍龍褂。禮畢仍易常服。至禮
部奏。擬請於是日內廷王公大臣在養心殿行禮之處。亦未
允協。著禮部查照乾清宮行禮成案辦理。○又諭孔繁灝奏

尼山

聖廟書院。被匪拆毀。自請議處等語。據稱距曲阜五十餘里
之尼山。建有

聖廟書院。偏近教匪巢穴。二月初八日。該匪將書院及顏母
祠等處拆毀。並將該處祭器等物毀壞。孔繁灝職司奉祀。未
能先事豫防。著交部議處。各該地方官疏於防範。咎亦難辭。
著譚廷襄查取職名。交部議處。尋吏部議。孔繁灝照防範不
嚴。降一級留任。例上加等。降二級留任。得旨准其抵銷。○諭
議政王軍機大臣等。勝保等奏。官軍進援潁郡。力破賊營。會
合潁軍夾擊。大獲全捷。立解北面城圍。一摺。粵捻各匪。圍攻

潁郡北面賊營三座。牆高濠深。阻我進攻之路。經勝保密飭將弁督率兵勇。連日乘夜直撲賊營。奪獲三壘。復將附城賊壘六座攻克。殺賊無算。賈臻亦派隊出城。會同勝保各軍兩路夾擊。共毀賊營十三座。浮橋五道。賊勢不支。紛紛敗竄。惟潁州北面雖已解圍。而東西南三面之賊。尚復屯踞長濠以外。據營死守。亟宜乘此聲勢。盡殄賊氛。著勝保督飭各軍奮力前進。楚軍已抵城南十八里鋪。距潁不遠。並著勝保密速約會南北夾攻。其帶兵各將弁。勝保當飭部下與之和衷共濟。不可各存意見。賈臻既已出於危險。亦當嚴飭防潁將弁出城會勦。務將城外賊壘節節掃蕩。以期廓清潁郡。毋留餘

孽。至苗沛霖因賊牽掣。未能速抵潁州。該大臣已飭其迅速進兵各節。前據該大臣奏稱。苗沛霖練眾五六十萬人。若苗沛霖果誠心反正。何難分撥練眾。協助官軍。乃僅以圍攻潁上為詞。未撥練眾助勦。所謂與粵捻接仗十一次。屢挫兇鋒者。恐係該練飾詞。衷懷尚萌叵測。該練反正之心。誠與不誠。總以張落刑一股能否殲除為斷。現在該大臣兵勢正盛。足以辦賊。自可無需苗練之力。如必需苗沛霖協助。亦當於驅策之中。寓防閑之意。斷不可豫存成見。姑息養奸。現在城圍雖解一面。其餘三面尚多屯賊。恐其再合重圍。勝保仍須督飭諸軍四面兜勦。不可輕易入城。致有疏失。將此由六百里

寶錄卷二十一
各諭令知之。○宗人府奏。已革親王交出府第。並呈繳
敕書。裕護。應交何處。得旨。已革鄭親王府第二處。著交
內務府查收。雍正年間怡賢親王所奉
硃筆敕書。著卽恭繳乾清宮。敬謹收存。其元狐端罩二件。著分
賞鍾郡王。孚郡王。各一件。○乙未。

上詣

大高殿行禮。○諭議政王軍機大臣等。有人奏。京外盜賊橫行。
請飭查辦等語。據稱本年正月間。有湖北會試舉人。在內邱
縣地方。被騎馬賊強劫衣物一空。該舉人赴縣投訴。賊尚在
近地分贓。該縣知縣延至兩日。始派役往緝。賊遂遠颺各等

語。內邱地當孔道。該匪膽敢騎馬持械。白晝攔截車輛。劫銀
至一千餘兩之多。實屬目無法紀。年來直隸境內。屢有騎馬
賊強劫之案。疊次嚴諭該督實力整頓。不啻至再至三。該督
亦屢次奏稱獲犯正法。何以至今盜風仍未稍戢。著文煜迅
卽飭令內邱縣知縣將此起賊犯。趕緊緝拏。務期賊賊並獲。
不准一名漏網。並查取該管地方文武各官職名。先行嚴叅
懲辦。以儆效尤。此外各州縣如有似此搶劫之案。並著一體
嚴飭緝捕務獲。儻敢仍前玩泄。卽行隨時嚴叅。毋許徇隱。原
片著鈔給閱看。將此諭令知之。○又諭。前因有人奏。江蘇撫
臣不洽輿情。玩視軍務各節。疊諭曾國藩查奏。旋據該大臣

查明覆奏。與所參情節大略相符。茲又有人奏。薛煥恣意營私。於上海城內開設書畫局。並與署藩司吳煦等開設錢鋪。合夥販貨至各海岸。假商人字號。掩人耳目。該撫之兄薛煥。州縣鑽營。皆經其手。吳煦之子吳宗麟。氣燄均極薰灼。江蘇逃官。如吳雲、李翰文等。薛煥無不包庇。為之開脫。至於練總徐佩璋。土棍費玉。曾皆經降賊受偽職。而薛煥信任二人。保舉至道員都司。署上海縣劉卣。膏循聲素著。薛煥意存嫉忌。未能盡其所長。各等語。著曾國藩將所參各款。秉公詳查。據實具奏。毋稍徇隱。原摺著鈔給閱看。將此諭令知之。○又諭。有人奏參藩司道員劣款一摺。前已將藩司吳春煥道員沈

壽嵩解任聽候查辦。現在沈兆霖帶兵前赴西甯。辦理撤回事件。所有該藩司等劣款。著交托明阿、張芻。按照摺內所參各款。嚴密審辦。不准稍涉瞻徇。該將軍等聞見較確。諒能秉公審訊。不至代人受過也。原摺著節錄閱看。將此密諭知之。○又諭。袁甲三奏江南髮逆分路渡江。直撲江浦浦口兩城。江邊營盤三座。被賊攻陷。復有偽護王等帶領悍賊。徑撲六合縣城。勢甚猖獗。現派朱元興統帶兵勇前往援應。並請飭令都興阿扼要嚴防。以遏竄路等語。江浦六合各城。關繫沿江要隘。為逆匪所必爭之地。前經諭令都興阿、吳棠調派兵船。分撥浦口。並飭曾國藩迅籌水軍進剿。原期上下游師船

聲勢聯絡。斷賊渡江之路。迄今月餘。黃彬等水師戰船。未據都興阿等調赴該處。卽彭玉麟。李鴻章所部水勇。亦無下駛消息。以致該逆乘機偷渡。蔓延江北。該大臣等既已失策於先。不可不力圖挽救。曾國藩水陸各軍。自克復無為州。運漕鎮後。養精蓄銳。將及半載。著卽嚴飭各路將弁。迅速攻取巢和。以分賊勢。李鴻章所統淮揚水師六千。兵力不為不厚。何以戰船數百隻。不能順流而下。必須由和含陸路經行。現在風聞外國輪船業已雇就。較之陸路。可以暢行無阻。著卽催令李鴻章星速前進。截斷江面賊匪往來。藉得兼顧浦六。毋稍貽誤。浦六等縣。均係江北切要地方。都興阿等責無旁貸。

自應力籌兼顧。豈可視同秦越。現在李世忠分投守禦。仍恐兵力不敷。著都興阿。卽調派水陸各軍。相機分路策應。並著會同袁甲三。督率李世忠等堵剿兼施。遏賊北竄。如再視為泛常。因小有意見。以江浦等城。盡諉之李世忠。而不顧設有疏虞。惟都興阿是問。至李世忠軍營餉項。江北糧臺。自應隨時撥解。著吳棠。卽將李世忠墊發銀米。先行籌撥如數。還款。並前次犒賞銀兩。一併解交。仍著吳棠督飭糧臺。再籌著實款項。每月接濟李世忠軍營。務令士馬飽騰。庶勦辦可以得力。再據袁甲三奏。探聞江南賊眾。紛紛渡江。有由含和分股赴援廬郡之說。現在店埠已克。廬州賊勢日窮。著曾國藩

寶鑑卷三十一
迅飭曾國荃多隆阿等分撥兵勇過截援賊並會商袁甲三
嚴密布置毋稍疏失將此由六百里加緊各諭令知之○又
諭鄭元善奏靖東營潰勇悔罪情願回營並豫省南路喫緊
一摺據稱勇目宋景詩自被追勦後適勝保派員招令回營
現在悔罪乞恩卽發給口糧令隨同明慶由槐店前進攻擊
稅子鋪踞匪以通餉道並稱皖捻大股由東南竄撲沈邱項
城分擾周口繞由西華徑撲上蔡屯撲西平且有欲往老河
口轉竄陝西之謠大股粵逆又由新蔡圖撲汝南郡城擬帶
兵至許州駐紮各等語宋景詩以鄉曲亂民本應早予正法
經勝保帶赴皖省輒敢中途潛回抗拒官兵若非追勦緊急

勢窮計蹙豈肯悔罪投到是於情法均無可貸鄭元善因勝
保派員招回卽允其回營給予口糧辦理甚屬姑息惟業經
該撫允其戴罪立功若再追治其罪恐號令不信卽著照所
請飭令隨同明慶由槐店進勦稅子鋪以通潁郡餉道第該
勇目貸其一死已屬法外施仁如到營後立有奇功方准保
奏勝保不得稍涉迴護飾詞請獎致令賞罰倒置儻該勇目
故態復萌不遵軍令卽予正法該大臣本能勦賊近以招降
過眾後多反覆聲威甚減不可不誠至皖捻大股擾及周口
撲犯西平等處而新蔡粵逆又圖撲汝郡是陳汝情形均形
喫重張曜一軍旣形單薄鄭元善所部兵勇亦僅止二千名

寶鑑卷三十一

恐不足以遏逆氛。楊飛熊一軍前因潁郡後路喫緊。諭令前赴槐店。頃據勝保奏稱潁郡城圍已解。是該副將一軍無庸援潁。卽著鄭元善前赴許州。檄調該副將帶兵駐紮郟城。以杜北竄。歸德兵勇如有可以酌撥分勦之處。並著鄭元善商同毛昶熙妥為辦理。其南汝各屬團練。並著飛調協勦。以壯聲威。前諭托明阿撥赴河南之馬隊五百名。諒已到豫。或酌調赴襄郟堵遏。以為楊飛熊等軍聲援。均著鄭元善相機調度。務當力遏兇鋒。毋任紛竄。將此由六百里各諭令知之。○以大理寺卿阿克敦布為都察院左副都御史。○以江南克復天長等城出力。賞提督李顯發總兵官王茂元。倪文藻。巴

圖魯名號。副將周保清同知何世俊等花翎。知縣何慶釗等藍翎。餘加銜升敘有差。○以江蘇六合勦匪出力。復知州楊鍾琛職。○丙申。

上詣觀德殿

几筵前供奠。○諭內閣。田在田奏本籍被擾。該員之母欲於徐州暫住等語。據稱該員原籍山東鉅野縣。上年被捻蹂躪。房舍焚毀一空。曾祖母王氏前蒙

御賞壽萱春永扁額。均已被焚。伊母周氏因驚成疾。以該員兄弟二人均駐徐州一帶勦匪。因欲暫住徐郡。以遂思子之情。覽其所奏。情殊可憫。惟田在田以帶兵大員。現在徐宿防勦。

均形喫重。雖烏私念切。人子至情。而戎事方殷。若奉母暫駐
徐州。於軍營體制。諸多未協。殊難俯允所請。該總兵之母。自
應仍回原籍居住。卽著譚廷襄飭令該地方官隨時妥為存
問。毋致失所。田在田之曾祖母王氏。前蒙

御賞扁額。並著南書房翰林恭書一分。交該總兵祇領。以示朕
錫類推仁至意。○又諭勝保奏。官軍乘勝攻勦潁郡東西南
三面偏城逆匪。續獲全勝。立解城圍一摺。圍潁髮捻各逆。經
官軍夾擊獲勝。悉將北路賊窟蹋平。本月初三日。夜勝保賈
臻。各派兵勇。掩至東路賊壘。直撲營濠。然拋噴筒火彈。賊眾
越牆。我軍追躡。攻殺甚多。落水淹斃者。不計其數。餘逆向南

竄逸。我軍大呼追勦。南面賊營驚潰。自相踐蹋。我軍就勢掃
蕩。西路羣賊。亦不攻自潰。共計蹋毀大小賊營三十七座。賊
卡四十餘處。斃賊無算。潁郡城圍立解。辦理甚為妥速。欽差
大臣兵部左侍郎勝保。自直東遠道赴援。沿途獲捷。深入疾
進。兩日之間。擊散賊眾數萬。立解重圍。實屬謀勇兼備。調度
有方。加恩著賞給兵部尚書銜。並發去翡翠翎管一支。白玉
煙壺一箇。白玉珮一件。珊瑚豆大荷包一對。交勝保祇領。以
示優獎。三品頂帶安徽布政使署安徽巡撫賈臻。堅守危城
待援。並派兵勇夾擊。共解城圍。亦屬勤勞倍著。著賞給二品
頂帶。並交部從優議敘。○諭議政王軍機大臣等。前有人奏

勞崇光信任知縣許慶瑤。庇護保舉都司陶昌培。藉端販運私鹽。縱弁殘殺。膜視京倉要需。奏事欺蒙。調度乖方。濫收門生。保舉不實。任用奸胥。始則畏懼洋人。繼則與洋人文密。並收受署運司羅勳餽送內廷物件等款。復有人奏。勞崇光家人許慶瑤冒捐知縣。指發廣東。該督仍留署內差遣。都司陶昌培卽降賊陶八。專在省河包攬漁利。勞崇光毫無覺察等情。當經密加訪查。所參各款。均非無因。本當立予罷斥。逐款查辦。姑念該督前在廣西巡撫任內。辦理軍務有年。尚能堅忍耐苦。且該督蒙

皇考特擢兼圻。受恩至重。未忍遽加嚴譴。除陶昌培一員。已諭

令該督會同崑壽密速籌辦外。其知縣許慶瑤以長隨蒙捐官職。包攬招搖。大干例禁。卽著按律參辦。毋許姑容。沙棍馬逢亨如何包充胥吏。通同舞弊。多置礮船。霸占沙坦。以致受害之家。冤苦莫訴。卽著徹底訊辦。盡法懲處。至領運鹽引。何以任令署運司羅勳。道員段諤。蒙混分肥。鹽包捐項。何以改為鹽商公捐。副將潘其泰赴援高州。屢次敗退。何以尚稱為勁旅。其保舉克復梧州出力人員內。何員在事出力。並未列保。何員未經在營。得邀保舉。民人莫如德。徐恆昌。請充廠書。何以遽行給諭。知縣五福被洋人羈留。何以輒行坐視。均著勞崇光按照被參各情。逐款據實覆奏。該督自蹈愆尤。本已

無可解免。但能深知愧罪。據實陳明。使貽誤於前者。尚可更正。於後。卽斷不加以譴責。儻剛愎任性。不知悔悟。徇庇私人。始終迴護。不肯從實辦理。則該督縱多方掩飾。必能洞燭其隱。彼時不獨立予罷斥。並當重治其罪。不稍寬貸。其羅勳餽送各件。係屬內廷之物。該督或未之知。著卽開單進呈。原參摺片共六件。均著鈔給閱看。再勞崇光准令紳民包抽釐金。以致物議沸騰。英國新聞紙內。有包抽釐金紳民繳報效銀一萬兩。隨禮亦一萬兩。係知縣劉承緣等經手之說。西江軍務。誤於裁撤卓興一軍。使賊得以占踞信宜。直逼高郡等語。所參既確鑿有據。諒非無因。並著勞崇光據實覆奏。毋許稍

涉含混。意存掩飾。重干罪戾。原片並著鈔給閱看。將此由六百里諭令知之。○又諭。前因有人奏保舉都司陶昌培作奸犯科。無所不為。勞崇光均曲為庇護。復有人奏陶昌培卽降賊陶八。經勞崇光派委總巡緝捕。專在省河包攬走私。以章昇耀莫江等為羽翼等情。當經密加訪查各款。均非無因。並聞章昇耀冒功得官。莫江前充差役。均橫行省河。倚勢乾沒。陶昌培無惡不作。又有陶二等為羽翼。護庇匪徒。大為民害。各等語。陶昌培疊次被人指參。復經訪聞種種劣蹟。斷難稍事姑容。惟既有羽翼多人。則辦理尤宜密速。陶昌培著革去職銜。卽著勞崇光崑壽於接奉諭旨後。剋日會派官兵。將該

實錄卷二十二
革弁擒拏。並將黎英、莫江、章昇、耀卽、章順、陶二等。一併嚴拏。務獲歸案審辦。務將所參各情。逐款嚴究得實。卽行正法。儻敢稍涉遲緩。致該革弁等乘間脫逃。為患他處。惟該督是問。原參摺片。均著鈔給閱看。將此由六百里各諭令知之。○又諭據勝保等奏。乘勝攻勦潁郡逆匪。立解城圍。一摺。潁郡被圍日久。經勝保督軍深入。疊獲大勝。立解城圍。惟敗殘賊眾。尚多遁逃。張落刑溷入潁上圍城之中。若不乘機併力勦除。終為皖豫巨患。著勝保趁此聲威。移師潁上。務將張落刑股逆全行殲滅。以除後患。並可面諭苗沛霖。責其殲斬張落刑。以明心跡。儻該練徒以歸正為詞。又復心存叵測。依違不前。

亦可密為圖之。該大臣大兵所指。逆匪膽寒。苗練已隸麾下。自易察其真偽。諒不致墮其術中也。至稅子鋪尚有逆蹤。該處為潁郡後路。勝保亦當派撥得力將弁。帶兵馳往勦除。毋留餘孽。勝保此次深入重地。以少擊眾。力保危城。深堪嘉尚。是以特經降旨獎勵。該大臣斷不可志得意滿。因此又招物議。總當屏去嗜欲。力戒驕盈。以古名將自期。時思克承恩眷。現在潁上一帶。伏莽尚多。如能將張落刑股匪悉數殲除。苗沛霖一事。辦理妥協。永無後患。爾時朝廷錄其幹濟之功。必當恩施特沛。雖眾口悠悠。無從訾議。此則甚有望於該大臣也。勉之。懍之。所有潁郡布置善後。安撫瘡痍各事宜。並著賈

寶錄卷二十二
二十
臻妥為經理。將此由六百里諭令知之。○又諭吳崇奏泗境另擒東竄。請飭撥勁旅馳援。並田在田奏收復眾興後。疊次擊賊獲勝。餘匪遁回老巢各一摺。擒匪由泗州境內。北竄宿遷。有東竄裏下河之謠。經吳崇派隊扼擊。據生擒匪首供稱。此起擒首李加英。劉添幅等股。因被僧格林沁擊敗。不敢西竄北竄。現復裝旗。意圖東擾裏下河等語。吳崇請飭僧格林沁撥馬隊二三千名。赴淮勦辦。著僧格林沁察度情形。酌量調撥。清淮一帶。地廣兵單。如擒股銳意東竄。必須厚集勁旅。方可遏此狂鋒。僧格林沁圍攻金樓。能否得手。務須通盤籌畫。未可顧此失彼。田在田追賊獲勝。餘匪敗遁回巢。著即統

率將領。援應清淮。務須滅此寇氛。毋任紛竄。吳崇身任地方。責無旁貸。著先就現有兵力。嚴密堵禦。並飛催田在田。德楞額等軍回援。俟兵力稍厚。會合夾擊。毋得專待僧格林沁馬隊。致滋貽誤。吳崇另片奏。李世忠賞銀。於王藻應交銀兩內。備銀二萬兩。現在均已籌解等語。王藻應交銀三十萬兩。已陸續繳過若干。著吳崇即行詳查具奏。田在田另片奏。本籍被匪。伊母欲於徐州暫住等情。該總兵之母。雖經來徐暫住。惟軍營非奉養之地。且各該士卒。誰無父母。若紛紛效尤。轉恐以私廢公。田在田仍應派人送母回籍。一意勦賊。國爾忘家。以副委任。將此由六百里加緊各諭令知之。○又諭馮子

材等奏逆匪圖犯鎮城。水陸喫重。先期布置一摺。常郡逆匪數千。竄至孟河一帶。並由蘇杭等處擄搶礮船。停泊常州東門外。密圖出竄。丹陽句容各巢紛紛蠢動。意欲齊集大股。併力攻撲鎮江。雖經防守師船。將魏村一帶賊船轟沈數隻。勦敗沿江逆隊。並將圩塘口逆匪擊退。惟賊勢尚盛。並未大受懲創。難保不復集大股。進撲鎮城。該提督務宜選派將士。馳赴城外。扼要紮營。嚴密防守。並隨時由城內出兵策應。毋令賊匪逼近城濠。致成坐困。前據都興阿奏稱。偽護王等各率逆眾數萬。渡江竄撲江浦浦口。已諭都興阿就近策應。茲據馮子材奏稱。中關賊匪由九洲洲直撲浦口寶塔山。分為三

股。李世忠分投堵勦。因賊勢過重。尚在相持等語。該提督前派駐防浦口等城。兵力本不甚厚。此時賊匪麇集。深慮該提督兵力難與久持。都興阿務當揀派勁旅。速往助勦。將此股賊匪殲除。以固江北大局。其後股未渡各匪。亦宜嚴飭上下游師船。於江面截擊。毋得再事玩誤。致滋蔓延。將此由六百里各諭令知之。○又諭吳棠奏。北臺餉需竭蹶。請飭催山陝協解銀兩。接濟李世忠軍餉一摺。前因李世忠克復江浦等城。防兵需餉孔亟。諭令英桂瑛榮。於月解江北餉銀內。按月各撥解李世忠軍營銀五千兩。現在江北糧臺餉糈支絀。其釐捐鹽課。分顧揚皖兩營。已形竭蹶。勢不能再為分撥。李世

忠前克江浦等城。正為江北一大轉機。刻下髮逆復分股渡江。浦六防勒。倍形喫緊。李世忠部下傷亡過多。現仍竭力守禦。若令枵腹荷戈。何以勵軍心而安降眾。著英桂瑛榮仍遵前旨。迅將月解李世忠軍營餉銀各五千兩。如數按月撥解。由袁甲三轉給。以資接濟。毋得稍涉推諉。致有貽誤。將此由六百里各諭令知之。○賞已革戶部右侍郎劉崐六品頂帶。在

實錄館效力當差。○以防勒不力。貴州總兵官朱承先勒令休致。○以安徽潁州解圍。賞還副都統烏勒興阿總兵官成祿頂帶。副將穆長榮參將梁士紳遊擊盧泰都司任治國千總

鄧林楓。巴圖魯名號。同知銜知縣王國棟花翎。府經歷董杭等藍翎。餘加銜升敘。開復有差。○丁酉。以神靈顯應。加廣東新興縣唐大鑑禪師封號。曰顯應。靈通侍者封號。曰昭應。○諭內閣。禮部奏。遵議給事中吳焯條陳。造就真才。悉歸實學。請於鄉會試。責成考官。覈取真才。並出題不得割裂各等語。我朝制藝取士。人才輩出。奉行既久。不免有空疏剽竊之弊。亟須崇尚實學。力挽頹風。著照該部所議。嗣後鄉會試。責成考官。詳加校閱。頭場四書文。以清真雅正為宗。二場經文。取其有關實義者。若敷衍成文。概棄弗錄。三場策問。以經史與時事分問。使貫串古今。通達治體者。得以敷陳政事得失利

弊。以及籌餉用兵之道。其言果有可採。不必責以忌避。亦不得繩以小疵。庶於由舊之中。仍寓責實之意。貢士射策。原以覘其經濟學問。乃近科以來。專務繕寫。相習成風。嗣後著仍遵舊例。不必拘以字數。最短者以千字為率。其不及者。以不入格論。各貢士從容條對。不必專事繕寫。自可拔取真才。士子趨向。隨主試為轉移。近日各省考試題目。多有割裂太甚。應試生童。遂各鉤心鬪角。習為穿鑿支離。最為風俗人心之害。嗣後各省學政及府州縣學各官。務當恪遵功令。所出試題。不得割裂小巧。牽連無理。及詩題引用僻書私集。以正文體而培風化。違者照例議處。至所稱鄉會試年。不准條奏科

場事務。請將給事中吳焯。交部察議等語。該給事中應詔陳言。尚非專為科場起見。該部所請察議之處。著加恩寬免。○先是御史許其光。奏考試御史及軍機章京。請仍照舊例引見記名。運同一官。照五品以下辦理。命議政王軍機大臣會同吏部議奏。至是議上。嗣後考試漢御史。及保送滿洲御史。考試滿漢軍機章京。應仍照例一併帶領引見。其運同一官。前定章程。既未擬及。應如該御史所請。嗣後如係照例補缺。及月選分發等項。卽照五品以下官辦理。從之。○以記名總兵官周學桂為貴州鎮遠鎮總兵官。○以貴州捐輸軍餉。永廣鄉試中額一名。○以江西捐輸軍餉。永廣廬陵縣學額三

實錄卷三十三
名。金谿縣二名。秦和吉水。清江三縣各一名。○戊戌諭議政
王軍機大臣等。勝保奏。潁圍已解。擒患未平。請飭派撫臣幫
辦軍務。以一事權而收實效。並潁郡東南關外。已飭成大吉
等軍駐紮。勝保即日回兵陳州各摺片。勝保前奉諭旨。督辦
皖豫勦匪事宜。擒匪未平。勝保責無旁貸。現在潁圍已解。尚
有逆捻二三萬。向東南逃竄。歸併潁上。意圖援救張落刑。正
當乘此聲威。併力攻勦。以期早清擒患。勝保所奏一軍介於
兩省之間。竟成客兵之勢。集軍籌餉。在在為難等語。已明降
諭旨。派李續宜。鄭元善幫辦勝保軍務矣。該大臣等務當和
衷共濟。遇事熟商妥辦。俾兩省軍務。日有起色。積年擒患。剋

日蕩平。方為不負委任。惟擒匪巢穴。盡在皖省。苗練圍攻潁
上。正當喫緊。勝保若退紮陳州。恐苗沛霖意存觀望。致張落
刑又復免脫。則勦辦更覺棘手。自應仍遵前旨。移師潁上。督
率各軍。將張落刑迅速殲滅。以除後患。至太和一帶。仍有阻
滯。勝保當分撥兵勇。廓清後路。其新蔡被圍。鄭元善當相機
策應。仍竭力遏截西竄賊匪。毋稍疏虞。李續宜計日可抵六
安。並著嚴飭所部將士。勉圖進取。是為至要。至勝保所稱局
外旁觀。心存媚嫉。以任事為爭權。以公忠為私計等語。詞多
負氣。殊非大臣寅畏事君之道。勝保務當恪遵屢次諭旨。痛
自刻責。力改驕盈故習。奮勉立功。始可永承恩眷。不負期望。

實錄卷三十三
七

寶鑑卷三十三
另片奏賈臻守穎有功。所奏軍情並非妄報。將粵捻各逆首姓名開單呈覽。逆捻圍攻穎郡。賈臻奏稱賊眾二十萬。連營七十餘座。未免張大其辭。現在穎州解圍。念賈臻尚能嬰城固守。是以降旨賞給二品頂帶。並交部從優議敘。朝廷賞功罰罪。一秉大公。無俟該大臣瀆辯為也。惟賈臻平日聲名甚劣。疊挂彈章。仍著勝保李續宜隨時察看。如於皖藩不甚相宜。卽行據實奏聞。毋稍姑息。將此由六百里各諭令知之。○又諭勝保奏統籌皖豫大局一摺。據稱袁甲三為皖省統帥。株守臨淮。而於苗練捻匪並未辦理分毫。李續宜亦知皖北之難。於捻匪苗練諸事均未著手。各等語。袁甲三自督辦皖

省軍務後。僅藉苗練之力。克復鳳陽一城。迨後定遠潰圍。壽城失守。袁甲三一籌莫展。且以家有老親。心神未定等詞。巧為避卸。卽近日所陳攻廬情形。亦不過遙藉楚軍聲勢。於李世忠亦未見駕馭得宜。第以臨淮一帶。曾國藩難以兼顧。日久未予撤調。現在李續宜既已抵皖。卽可派員統帶此軍。以為規畫東征之計。况勝保現今進攻穎上。淮南北數百里間。統帥較多。事權不一。亦於行軍不甚相宜。惟令袁甲三回漕督本任。則吳棠在清淮。與僧格林沁聯絡。頗資堵剿。未便驟易。曾國藩督軍皖省。當知袁甲三之為人。如何量加任使之處。卽著悉心籌議具奏。候旨遵行。李續宜現赴六安。如能克

復正陽關。卽壽州亦有攻克之機。勝保已飭苗沛霖進攻。頴上。當茲廬郡未克。未能分兵攻勦苗練。莫如令其殲除張落。刑如張逆既除。則苗練之勢漸孤。易於籌辦。並著曾國藩密商李續宜妥為辦理。至此次勝保奏請李續宜幫辦軍務。並飭成大吉等將營中出力員弁開單。由該大臣奏請獎勵。意存籠絡。而張落刑一股未除。若不令勝保辦理。則苗沛霖不能帖服。且該大臣在皖多年。於軍情地勢較為熟悉。楚軍現在併力東下。未遑顧及淮北。此朝廷用人不得已之苦衷。惟勝保性情驕恣。實所不免。恐李續宜不能與之共事。著曾國藩密屬李續宜不必有所避忌。如果勝保有意掣肘。貽誤軍

務。李續宜或未便參奏。卽著曾國藩據實密陳。該大臣公忠體國。諒能知朝廷用人微意。斷不肯稍避嫌怨。惟此事關係甚重。設軍中或有傳播。則彼此各存意見。轉於軍務有礙。著該大臣嚴密存記。勿令營中知之。是為至要。將此由六百里密諭知之。○又諭慶端奏撲犯江山溫州之賊。經官軍奮擊獲勝。現復由閩派兵應援一摺。據稱犯衢之賊。分股竄犯江山。疊撲縣城。經李元度派隊擊退。其屯踞乾頂等處之匪。屢至念七都一帶。窺竄閩疆。撲犯溫州之賊。環攻郡城。經總兵秦如虎等派兵擊退。遂昌踞逆。經該縣民團攻勦。克復縣城。賊由松陽逃逸。其竄擾雲和股匪。蔓延景甯等語。浙江溫處

衢三屬地連閩界。雲和之賊蔓延景甯。已有入閩之勢。該處萬山環峙。有險可扼。著慶端嚴飭各軍。分別布置。毋令竄入閩境。黃巖賊闖入樂清。遂昌賊悉數下竄。恐將併力攻溫。所有同知趙均槍勇。副將吳鴻源師船。著該督迅卽分別調派。赴溫州一路援勦。犯衢之賊。以大股分撲江山。自因攻衢未能逞志。意圖於江山絕我餉援。為坐困衢城之計。現在左宗棠於克遂安後。回援衢州。已抵常山。慶端亦派副將會元福。周萬遠等。統帶各兵勇馳赴江山。兵力較厚。著卽會合夾擊。由江常迅埽而下。速解衢州之圍。至浦城地當四衝。江山之賊。既竄至江郎街等處。相距甚近。慶端已抵浦城。著卽督飭

將弁迅速進勦。仍兼顧閩省藩籬。毋稍疏失。將此由六百里各諭令知之。○又諭。官文等奏擊退豫省巨捻。大獲勝仗一摺。本年正月間。捻匪竄徧隨州所屬之小林子地方。二月初間。捻首何廣玉竄至應山縣屬之觀音店。距武勝關十餘里。均經官軍擊退。楚省北界與豫省毗連。捻匪乘虛竄突。難保不去而復來。現在汝光一帶。徧地捻蹤。新蔡尚復被圍。轉瞬春麥成熟。尤難保不出巢肆掠。不可以暫時驅逐出境。稍涉大意。著官文督飭各將弁實力嚴防。相機勦辦。其各該地方文武員弁。亦當激勵兵團。嚴密堵截。毋令匪蹤闖入楚境。多隆阿在廬郡接仗。屢次獲勝。卽著該大臣催令該將軍迅圖

寶錄卷二十三
攻克。毋令陳玉城逸出。以除巨憝。將此由四百里諭令知之。
○命安徽巡撫李續宜。河南巡撫鄭元善。幫辦欽差大臣勝
保軍務。○賞土爾扈特盟長郡王巴圖三眼花翎。副盟長貝
子普爾普噶丹雙眼花翎。○予浙江江山陣亡守備樊齡熙
千總艾緒南。外委謝三友。祭葬世職加等。○己亥。

上詣觀德殿

几筵前行月祭禮。○祭

先農之神。遣豫親王義道行禮。○諭內閣。戶部奏。京倉需米
孔殷。請旨分別飭催等語。京倉米石。亟宜設法籌備。前據江
蘇巡撫奏。請採辦粳秈米各十萬石。趕緊放洋。現在曾否採

辦足數。未據奏到。廣東捐繳米價銀兩。現僅解到頭批。其餘
尚未續報委解。至福建捐購米石。僅據運到二萬四千餘石。
續報起運二千石。以後捐購若干。迄未奏報。實屬玩泄。著各
該督撫遵照該部奏案。將捐購米石。迅速籌辦。分批運津。其
應解米價銀兩。亦即趕緊委解。均不准稍有延宕。致誤要需。
至山東省額運新漕。迄今未據奏報起運確數。及開行日期。
亦屬因循延玩。著該撫督飭該糧道。即將應運新漕。趕運赴
通。不准稍有短少遲逾。其起運米數。及開行日期。並著先行
奏報。毋得遷延干咎。○又諭戶部。奉天運米船隻。請仍由
直隸雇備等語。京倉需米孔殷。著盛京將軍玉明。於沿海各

屬倉存粟米。籌撥二十萬石。迅速解京。務期一律乾潔。不得稍有攙雜。所需船隻。著直隸總督文煜仍照歷年成案。於接到部文之日起。限二十日。嚴飭天津甯河兩縣。將應備船隻。趕緊雇齊。迅速派員押赴奉天裝運。儻逾限雇備不齊。卽著該部將該縣等嚴叅撤任。仍交部嚴加議處。如船隻到口遲延。停米待船。藉端需索。抑或奉省裝兌遲延。致令停船待米。並著盛京將軍奉天府尹直隸總督隨時查察。分別嚴行叅辦。以除積弊而重倉儲。○諭議政王軍機大臣等。都興阿奏逆匪糾合大股。撲犯瓜揚。已竄至塘湖蔣王廟等處。離揚城甚近。官軍稍一動搖。則裏下河千里之地。必成灰燼。李世忠

兵勇。號稱十數萬。不能遏賊北竄。李世忠當截賊糧道。則揚郡防守。可期穩固等語。逆匪分股渡江。擾及瓜揚。圖竄裏下河地方。亟宜迅速殲除。以保完善。李世忠所部兵勇。及就撫降眾。兵力不為不厚。惟該提督收復天長六合。因議分兵駐守。藉口無從領餉。與都興阿意見參差。是以彼此不相援應。都興阿人雖老成。才具亦不甚開展。所統水陸各軍。恐難深恃。現在瓜揚喫緊。裏下河等處。在在可虞。曾國藩身任兼圻。責無旁貸。著卽嚴飭李鴻章等軍。設法督率淮揚水師戰船。剋期下駛。揚言規取金陵。俾該逆有所顧忌。不敢源源北渡。不但揚防可以稍鬆。卽巢和等城。攻取亦易得手。毋得以都

興阿李世忠分駐江北。必能和衷辦賊。遂置下游於不顧也。楊載福曾否起程。當此軍務緊急之際。該提督受恩深重。豈可優游事外。不思報稱。仍著該大臣嚴催該提督刻赴軍營。毋許藉詞遷延。致負期望。將此由六百里加緊諭令知之。○又諭都興阿奏探聞浦口已失。賊由江浦六合。已至儀徵。蔓延數十里。已竄至塘湖蔣王廟等處。離揚城甚近。都興阿調派海全等督率馬隊。會同吳世英步勇。分路迎勦。該逆分隊回竄。離城一二十里外築壘等語。現在賊勢徑趨揚郡。圖擾裏下河完善地方。都興阿業經嚴密布置。鎮靜以待。其沿江上下。亦經黃彬等督飭礮船。扼險堵勦。所籌尚屬周妥。都興

阿所部兵力。據稱戰或不足。守則有餘。著卽激勵將士。實力守禦。毋得稍有疏失。李鴻章赴鎮之軍。業已起程。一俟行抵鎮城。南北聲勢便可聯絡。並著袁甲三嚴飭李世忠調派得力兵勇。分投堵禦。斷賊糧道。並遏其赴揚之路。都興阿方能出奇制勝。李世忠之兵。號稱十萬。守江浦者止千人。袁甲三惟當激以忠義。令其奮力堵勦。毋稍鬆懈。將此由六百里加緊各諭令知之。○庚子。諭議政王軍機大臣等。前因曾國藩奏請將捏稟冒功逗遛不進之浙江臬司李元度革職。當經降旨將該員革職。仍交左宗棠差遣。茲據李桓奏。上年李元度一軍。先後克復新昌奉新瑞州。並收復上高新安等處出

寶鑑卷之二十二
力由該革員開單呈請奏獎等語。李元度前次赴援江西。既據曾國藩奏義甯奉新瑞州各處皆係賊匪自行退出。該員並未打仗。輒敢捏稟冒功。是該革員所保各員必多冒濫。著曾國藩按照單開員名。詳加查覈。務使出力者不至向隅。無功者不得濫廁。以副朝廷整飭戎行至意。原摺單著鈔給閱看。將此諭令知之。○又諭鄭元善奏請飭遊擊回豫管帶楚勇。並請飭催總兵募軍來豫等語。豫省管帶楚勇將領止楊飛熊。楊長春。余際昌三員。余際昌。楊長春均因在杞縣勦擒力戰受傷。余際昌刃傷過重。難期速痊。現在新蔡被圍。汝甯喫重防勦甚屬緊要。楚營帶隊乏人。嚴樹森前於調任楚撫

時曾經奏帶遊擊李世玉赴楚。該員籍隸豫省。於本處情形較為熟悉。著嚴樹森迅卽飭令李世玉回豫管帶楚勇。以資得力。已革總兵李績壽候補總兵陳由立二員。前經疊諭官文嚴樹森。毛鴻賓。嚴催該二員卽行招募成軍。兼程赴豫聽候。鄭元善調遣。毋許再事遲延。將此由五百里各諭令知之。○又諭鄭元善奏匪股西趨汝州。新蔡汝甯喫重。函商勝保分兵往援一摺。捻股由沈項周口竄至西平舞陽郟縣一帶。擾及汝州。其由新蔡竄近汝郡之粵匪。嘯聚韓莊。復全竄確山。擾及

泌陽之沙河店王家店等處搶劫。遠在宛南。該撫已有鞭長莫及之勢。汝郡倍形喫重。新蔡被圍兩月。望援急迫。該撫請令勝保就近馳援。新蔡俟該縣解圍後。卽移得勝之師。攻拔平輿賊巢。自係為肅清豫境起見。惟潁州甫解重圍。布置尚難周密。恐勝保大軍一移。敗匪散而復合。則勦辦更難著手。勝保自當仍遵前旨。乘勝進兵潁上。惟汝州新蔡賊勢甚重。豫省兵力單薄。不敷堵剿。勝保督辦皖豫軍務。斷難膜視。著卽就近抽撥馬步。馳往該處。會同豫軍迅速攻剿。新蔡被圍日久。危急萬分。前已令楊飛熊一軍馳回救援。著鄭元善飛飭該副將迅速馳援。並設法策應。以遏該匪西竄之路。其確

山泌陽一帶竄匪。著卽嚴飭護理南陽鎮總兵徐榮柱調集標兵。會同各地方文武嚴行扼堵。並飛咨楚軍截擊。以重邊防。鄭元善另片奏。息縣土匪圍撲光山。經該地方官親督練勇擊退等語。所有在事出力員弁紳練。著准其酌保數員。奏請獎敘。毋許冒濫。將此由六百里各諭令知之。○禮部以宗室會試中額請。得旨。取中二名。○以吏部左侍郎李菡為工部尚書。調禮部右侍郎楊式穀為吏部左侍郎。仍留直隸學政任。以內閣學士張之萬為禮部右侍郎。仍兼署工部左侍郎。○以廣東羅定協副將文龍德為貴州鎮遠鎮總兵官。○予故工部尚書王慶雲祭葬。謚文勤。○辛丑。以神靈助順。頒

安徽潁州府

關帝廟扁額曰皖疆顯佑。

風伯廟扁額曰功昭巽順。

火神廟扁額曰離曜炳靈。○諭內閣基溥奏。昨日帶領引見。

到班遲誤。自請議處等語。吏部右侍郎基溥。著交都察院照

例議處。因思帶領引見之各部院堂官。向例俱先期進內伺

候。以昭慎重。乃竟有延誤不到者。其各衙門堂官。遇有奏事

直日之班。想更不能及早進內。因循疲玩。不問可知。甚至有

恣意養安。不常至署。惟令司員等將稟件送至私宅稟商。以

致公事每多積壓。相沿已久。叢脞堪虞。朕御極之初。卽蒙我

兩宮

皇太后諄諄訓諭。修明庶政。無怠無荒。各部院大臣皆受

先帝厚恩。股肱心膂。倚畀方深。此後務當振刷精神。各勤乃事。

夙夜在公。力圖報稱。各以性耽安逸為戒。毋負我兩宮

皇太后勤求治理之懷。庶績咸熙。百廢俱舉。其庶幾焉。將此通

諭各部院大臣知之。○又諭前任順天府府尹蔣琦齡奏。請

以端政本為先。據稱恭親王謙懷忠悃。中外共仰。惟延攬不

遺羣言。夾輔尤資。同列。請飭軍機處力矯從前附和之習。獻

可替否。如疑難重大。不妨盈廷集議等語。朕奉

母后皇太后

聖母皇太后懿旨。國家政務殷繁。全賴集思廣益。以資羣策之
力。近以軍興十載。事多叢脞。軍機處為政本所自出。該大臣
均係特簡。與王同列。如遇事有窒礙。卽當面折廷爭。公忠共
矢。如書所稱。汝無面從。退有後言者。引為鑑戒。方足以勵大
臣之節。斷不可蹈從前阿附之習。罔圖匡救。恭親王自授議
政王以來。悚惕謙撝。曾因王籲請。特諭大小臣各抒所見。以
冀事臻盡善。王亦能寅畏為懷。率同軍機大臣等。每事詳覈。
咸於簾前共取進止。惟際此時艱。自當以天下為己任。於延
攬之中。寓裁制之意。方能事有折衷。不至政出多門。若稍涉
避嫌。矯枉過正。每事必請集議。轉致意見紛歧。於政事亦恐

無補。甚非朝廷委任意也。王其力任艱鉅。毋稍推諉。用勸相
我國家。○又諭。蔣琦齡奏請崇正學以端政本等語。我朝崇
儒重道。正學昌明。士子循誦習傳。咸知宗尚。程朱以闡聖教。
惟沿習既久。或徒驚道學之虛名。而於天理民彝之實際。未
能研求。勢且誤入歧途。於風俗人心。大有關係。各直省學政
等躬司牖迪。凡校閱試藝。固宜恪遵功令。悉以程朱講義為
宗。尤應將性理諸書。隨時闡揚。使躬列膠庠者。咸知探濂洛
關閩之淵源。以格致誠正為本務。身體力行。務求實踐。不徒
以空語靈明。流為偽學。至鄭孔諸儒。學尚考據。為歷代典章
文物所宗。理無偏廢。惟不得矜口耳之記誦。荒心身之踐履。

尤在職司教士者。區別後先。薰陶樂育。士習既端。民風斯厚。海宇承平。奇衷不作。於以觀政教之成焉。○又諭前因祁寯藻景其濬。先後奏請疏通正途。以清吏治。當經降旨交吏部議奏。嗣據該部奏請酌量變通辦理。已依議行矣。茲據蔣琦齡奏捐班軍功妨礙正途。覩列近日情形。請飭變通辦理等語。國家設科取士。揆羅英俊。以備任使。雖所拔未必盡賢。而名臣碩儒。多出其中。良由涵濡教澤。讀書明理。故能砥礪廉隅。用成偉器。若如蔣琦齡所奏。卽用人員。不但終身無補缺之望。幾於終身無委署之期。至有以得科名為悔者。而捐班軍功人員。上司每多喜悅。士氣何由得伸。吏治何由整飭。此

由封疆大吏。不能仰體朝廷養士作人之意。顛倒謬誤。甚可痛恨。著大學士會同該部將正途及捐班軍功人員。再行分別變通。妥議具奏。庶正途人員。得以及時自效。用副振興人材之至意。○又諭據蔣琦齡奏津貼抽釐勸捐流弊甚多。現雖未能停止。請勿為竭澤之漁等語。所奏自係實在情形。前因軍餉浩繁。度支未裕。借資民力。自當存體恤閭閻之意。乃官吏奉行不善。釐卡繁瑣。且多侵漁。民何堪此。著大學士會同該部。應如何酌示限制。俾軍餉無缺。民困稍蘇之處。卽著悉心妥議具奏。尋奏按糧津貼除四川山東曾經奏明辦理有案。其餘各省有私自徵收者。該管道府一併治罪。勸捐濟

實錄卷二十二
餉。應分別上富次富。其僅能溫飽之戶。毋庸捐輸。各省抽釐。疊經奉旨。飭令各督撫分別撤留。造冊報部。仍請勒限嚴催。如再遲延。卽予嚴議。從之。○又諭蔣琦齡奏請籌軍實等語。所稱招募本縣良民為勇。令大縣養勇四五百人。小縣二三百人。於正供外。按糧酌派養勇經費。卽由本縣官統領。以本處紳耆掌管糧餉。督撫道府。遞為統帥。令郡縣互相援應等語。所陳辦法。有無窒礙。是否可以一律通行。著各直省督撫。各就該地方情形。斟酌利弊。悉心妥議具奏。○又諭前任順天府府尹蔣琦齡奏。應詔敬陳十二策。如端政本。恤民隱。整吏治。籌軍實。恤旗僕。崇正學。各條均已明降諭旨。並諭令大

學士等及各直省督撫分別議奏。至所稱除粉飾。任賢能。開言路。慎名器。亦均能剴切敷陳。足備採擇。其詰戎行一條。據稱軍營欺飾之弊。非有策以杜其奸。而懾其志。勢難挽回。請定軍報款式。並請派御史稽察功過等語。各路統兵大臣及各直省督撫等身膺重寄。其紀律謹嚴。賞罰平允。奏報軍情。務從實在者。固不乏人。而積習相沿。鋪張粉飾者。亦復不少。如該府尹所奏。接仗則掩敗為勝。殺賊則以少報多。甚且以無為有。空中樓閣。悉由意造。是皆甘心為偽。罔顧時艱。溺職辜恩。實堪痛恨。嗣後軍營奏報。務各湔洗惡習。事事從實。不准稍有虛假。儻敢仍前欺罔。一經察出。必當重治其罪。不能

實錄卷二十二
臣

寬貸。其接仗地方。係屬某村某堡。必將所隸州縣奏明。以免含混。至監軍為前代弊政。徒事侵撓。無裨實效。創立名目。流弊滋多。所請以御史稽察功過。著毋庸議。其挽頽風一條。據稱宜罷有名無實之養廉。令督撫以下。各上其陋規之數。斟酌去留。俾足辦公等語。我朝優禮臣工。於俸祿之外。復給養廉。顧名思義。豈宜裁撤。即使捐攤減折。究屬有勝於無。至清查陋規。以資辦公。

皇祖宣宗成皇帝御極初年。因英和之請。諭令督撫等查覈辦理。旋因湯金釗等力陳其弊。降

旨停止。

聖訓煌煌。尤宜永遠遵守。該府尹所奏。殊於政體有礙。斷不可行。○又諭。御史何兆瀛奏。保舉孝廉方正。請飭採訪真儒等語。各直省保舉孝廉方正。理宜慎重。若如該御史所奏。不加訪問。遽登薦剡。甚至夤緣鑽刺者。糅雜其中。殊不足以光盛典。此次應舉孝廉方正。著各督撫學政嚴密訪察。務須人品學問。為鄉里素所推許者。始准薦舉。不得以名實不符之人。濫竽充數。以副延訪真才至意。○又諭。御史何兆瀛奏。考試漢廕生積弊。請照考拔貢生之例。亦在殿廷考試。並派侍衛監試。其有文理荒謬者。仍照例發回本籍讀書。三年後再行赴部考試等語。自係為遴拔真才起見。第念廕生皆係大員

子弟平日自應認真讀書。且陸續赴試。並無定限。果使文理未優。自不必亟於應試。惟關防理應嚴密。豈容有書吏包辦傳遞文字之事。嗣後考試漢廕生。除仍照舊章辦理外。並著吏部嚴密稽查。毋許再有前項情弊。該御史所請變通章程。著毋庸議。○又諭都興阿奏。請將帶兵觀望之副都統摘頂議處等語。江南逆匪。進撲揚州。經都興阿派令京口副都統海全。由南路設伏掩擊。乃北路伏兵擊賊獲勝。而南路並未出戰。又未策應中路。當此軍務緊要之時。似此遷延觀望。貽誤事機。若不立予嚴懲。何以勵軍心而肅紀律。該將軍請將該副都統撤銷題奏。都統職銜。摘去頂帶。交部議處。殊不足

以蔽辜。海全著卽行革職。仍留軍營帶隊。以觀後效。○諭議政王軍機大臣等。前因都興阿奏。逆匪撲犯瓜揚。當諭該將軍實力守禦。茲據奏本月十一日。該逆直撲揚城。經馬隊兵勇分路抵禦。將逆匪擊退。尚能以少勝眾。稍挫兇鋒。惟三汊河上下數十里。逆匪在在屯聚築壘。時出竄擾。雖經詹啟綸等連日勦辦。多有斬擒。而賊勢過眾。未可遠擊。該將軍當添撥兵勇。前往策應。並督飭黃彬等師船。於沿江上下數十里。往來轟擊。務將逆壘逆巢。悉數削平。毋令久踞肆擾。並分兵保衛裏下河完善地方。方為妥善。黃彬已於江岸紮營。添撥水師勇丁。登陸防守。著都興阿仍須不時嚴密稽查。飭令該

總兵等毋稍疏懈。都興阿現在督辦江北軍務。責無旁貸。如探聞何路警急。卽當分兵馳應。其一切籌畫布置機宜。務必悉臻周密。毋得稍存大意。將此由六百里諭令知之。○又諭勝保奏餉糈支絀。熟籌變通。請捆運鹽斤。以資接濟等語。勝保一軍。僅恃直隸河南山陝等省協餉。近來各省庫儲不充。未能依限報解。現雖力解潁圍。兵勇飢寒不免。自屬實在情形。該大臣請將淮北票鹽。先行捆運十五萬包。運至三河尖一帶銷售。並函商李世忠代為捆運。就近提取。解營充餉。著照所請妥為辦理。惟不得漫無限制。致壞鹺綱。並著吳棠就近飭令兩淮鹽運使喬松年督催稽查。毋任偷漏。惟聞李世

忠就場運鹽。赴各岸銷售。商民交受其累。該大臣務當督飭李世忠約束部下人等。不得沿途騷擾。又貽口實。將此由五百里各諭令知之。○又諭勝保奏直隸每月應解協餉三萬兩。本年僅解過一萬兩。直隸力量本異他省。前接文謙稟函。以後勢難如數撥解。查係實在情形。請將該省月餉三萬兩。減去二萬。仍月解一萬兩。並先將二三月之二萬兩。一併補解。以後不得再有拖欠等語。勝保一軍。自援潁得手後。現在仍須節節進剿。待餉孔殷。著文煜嚴飭藩司文謙。將二三月所欠協餉。趕籌補解。嗣後按照每月一萬兩。源源報解。不得稍有帶欠。致有停兵待餉之虞。將此由五百里諭令知之。

○以戶部右侍郎董恂兼署吏部左侍郎○以江西廣信玉山廣豐各府縣城解圍出力賞遊擊劉勝祥花翎把總朱有懷等藍翎餘加銜升敘有差○予山東兗州沂州濟甯各屬陣亡殉難紳民婦女四千四百二十七名口分別旌卹如例○命五城煮賑展期兩月○壬寅諭內閣宗人府奏恩詔內應行查辦廕生品級請旨遵行等語不入八分公以下鎮國將軍輔國將軍宗室內為一二品大臣者均准給廕會典所載例有明文不入八分公嫡出子與鎮國將軍嫡出子均係應封輔國將軍品級亦屬相等惟不入八分公子弟該衙門應廕品級溯查道光元年咸豐元年兩次查辦廕生均無辦

給成案亦無因何不行給予明文此次辦理恩廕若不一體給予俾得共沐恩施未免向隅所有不入八分公子弟著准其按照鎮國將軍應廕品級給予七品廕生以昭平允此旨並著纂入宗人府則例永遠遵行○以記名副都統杜嘎爾為京口副都統

大清穆宗繼天開運受中居正保大定功聖智誠孝信敏恭寬
毅皇帝實錄卷之二十二

